

1021/623/2009

**MEAHCIRÁÐÐEHUSA MEARRÁDUS**  
**Leammi álbmotmeahci**  
**ortnetnjuolggadusas**

**Addojuvvon Vantaas 18.3.2009**

**Leammi álbmotmeahci ortnetnjuolggadus**

Meahciráððehus lea luonddusuodjalanlága (LsL, 1096/1996) 18 ja 20 §:aid vuodul addán čuovvovaš ortnetnjuolggadusa Anára ja Gittela gielldain leahkki Leammi álbmotmeahci várás.

Ortnetnjuolggadussii leat váldojuvvon mearrádusat čuovvovaš njuolggadusain: Suoma vuodðoláhka (731/1999), luonddusuodjalanlhka (1096/1996), ásahus stáhtaeatnamiidda vuodðduuvvon dihto álbmotmehciin ja luonddumehciin (932/1981) sihke ásahusa nuppástus (583/1991), sámediggeláhka (974/1995), meahccejohtaluslákha (1710/1995), meahccejohtalusásahus (10/1996), meahcástanlhka (615/1993), guolástanlhka (286/1982), gádjunlhka (486/2003), boazodoalolláhka (84/1990), ruvkeláhka (503/1965), áibmojohtaluslákha (281/1995), eanageavahan- ja huksenlhka (132/1999), čoahkkananlhka (530/1999) ja bázahuslákha (1072/1993). Dasa lassin ortnetnjuolggadusas leat mielde mearrádusat, maid Meahciráððehus álbmotmeahci hálldahusas vástideaddji eiseváldin eanaeaiggáda hámis lea vuogadahtton ja geatnegahhton addit.

Ortnetnjuolggadusa mearrádusat čuvvot daid prinsihpaid, mat leat ovdanbukton Birasministerija 28.11.2008 nannen luonddusuodjalanlága 19 §:a vuodul dahkkojuvvon Leammi álbmotmeahci dikšun- ja geavahanpláanas.

Ortnetnjuolggadus guoská daidda álbmotmeahccái gullevaš, stáhta oamastan eana- ja čáhceguovlluide, mat leat čuovuskártii merkejuvvon ráddjema sis. Dasa lassin ortnetnjuolggadus guoská daidda guovlluide, mat leat háhkkojuvvon dahje maid lea jurdda háhkstáhta oamastussii laktin dihte daid álbmotmeahccái dan vuodðudeami maŋjá.

Báikkálaš ássiiguvin oaivvildit Anára ja Giittela gielldas heaggačálihuvvon ja fásta ássi olbmuid iežaset gieldda siste. Lagasgiliid ássiiguvin oaivvildit kártačuvvosa 2 ráddjema siste leahkki giliid ássiid.

Dát ortnetnjuolggadus gomiha 11.3.1988 addojuvvon Leammi álbmotmeahci ortnetnjuolggadusa oktan dasa maŋjelis dahkkojuvvon rievdadusaiguvin ja lasáhusaiguvin.

## **1. Álbmotmeahci vuodđudeapmi ja dan ulbmil**

(láhka dihto odđa luonddusuodjalanguovlluid vuodđudeamis stáhtaetnamiidda; 634/1956 1 §, láhka dihto odđa luonddusuodjalanguovlluid vuodđudeamis stáhtaetnamiidda addojuvvon lága rievdaedamis; 204/1971 20 §, láhka stáhta oamastan dihto guovlluid čohkkemis álbmotmeahccin ja luonddumeahccin; 674/1981 4 §)

Leammi álbmotmeahcci lea vuodđuduvvon 1956:s, ja dat lea viiddiduvvon vuos 1971:s ja odđasit 1982:s.

Leammi álbmotmeahcci lea almmolaš oaidnámuššan oaivvilduvvon luonddusuodjalanguovlu, man guovddáš ulbmilin lea suodjalit Davvi-Lappi meahcceluondu. Álbmotmeahci deháleamos ulbmilin lea suodjalit álgoálgoosaš luondu iešvuodaid, šlájaid ja ealánservodagaid, muhto suodjalit sáhttá maiddái olbmo doaimmaid boadusin šaddan árbevirolaš birrasiid, ealánservodagaid, duovdagiid ja rusttegiid. Árbevirolaš sámeeláhusat ja daid hábmen luondotipat ja ráhkadusat leat márssolaš oassi álbmotmeahcis. Álbmotmeahcci láhčá vejolašvuodaid vánddardeapmái, oahpahussii ja dutkamii.

## **2. Sámiid vuogatvuohta iežaset gillii ja kultuvrii**

(vuodđoláhka 17 § ja 121 §, sámediggeláhka 9 §, 3 §, 5 § ja 6 §, riikkadási guovlluidegeavahanulbmilat lohku 4.7.)

Sámiid ruovttuguvlui gullá eanaš oassi álbmotmeahcis; Anára gieldda sisa báhcci guovlu. Sámiin lea álgoálbmogin vuogatvuohta bajásdoallat ja ovddidit iežaset giela, kultuvrra ja iežaset kulturhápmái gullevaš árbevirolaš ealáhusaid dego boazodoalu, guolástusa ja meahccebivddu.

Guovlluidegeavaheamis válđojuvvo vuhtii sámiide álgoálbmogin gullevaš vuogatvuohta bajásdoallat ja ovddidit iežaset kultuvrra árbevirolaš sámeeláhusaid ovddidanvejolašvuodaid dorvvastan dihte. Boazodoalu guovlluidegeavahanvejolašvuodat dorvvastuvvojít.

## **3. Oppalaš njuolggadusat**

### **3.1. Oppalaš gielddut**

(ásahus stáhta oamastan dihto guovlluide vuodđuduvvon álbmotmehciin ja luonddumehciin 1 §, meahcástanláchka 8 lohku, bázahusláchka 19 §)

Álbmotmeahcis leat gildojuvvon čuovvovaš, luondu rievdaedaddji doaibmabijut maŋjelis mánnašuvvon spiehkastagaiguin:

- goivvohagad roggan ja eanaávdnasiid váldin
- visittiid, geainnuid ja rusttegiid ráhkadeapmi
- ealliid goddin, bivdin dahje headušeapmi ja ealliid besiid, šattuid ja ealli ja jápma šaddoosiid váldin ja vahágahttin

- beatnagiid doallan luovus
- ludnen
- eará doaibmabijut, mat sáhttet rievdadit guovllu luonddudili ja čuohcit dan šattuid dahje ealliid seailumii

### **3.2. Álbtmeahci avádatjuohku**

(ásahus stáhta oamastan dihto guovlluide vuodđduuvvon álbtmeahciin ja luonddumehciin 4 §)

Álbtmeahcci lea juhkojuvvon avádagai, maidda gusket sierralágan johtalan-, gohtten- ja dolastallanmearrádusat (kártačuovus 1). Avádagat leat:

	viidotat %	álbtmeahci viidotagas
Boaittobealeavádat	253 925 ha	88 %
Lustageavahanavádat	30 592 ha	11 %
Kulturavádat	1 059 ha	vuollel 1 %
Ráddjenavádat	314 ha	vuollel 1 %
Oktiibuot	285 790 ha	

### **3.3. Johtalanvuigatvuodat**

(LsL 18 §, meahccejohtalusláhka 4 §, áibmojohtalusláhka 40 §)

Álbtmeahcis oažju johtalit iešráđalaččat juohke sajis. Ravadasgoržzi ráddjenavádagas oažju johtalit merkejuvvon johtolagaid olggobalde dušše Meahciráđđehusa lobiin šattolašvuoda ja eanavuodu gollama hehtten dihte ja luonddusuodjalanárvvuid dorvvastan dihte.

Sihkkelastit ja riidet oažju dálá merkejuvvon geassevánndardanjohtolagaid mielde.

Beanavuodjin lea gildojuvvon álbtmeahcis.

Mohtorfievrruid (maiddái mohtorfatnasa ja čáhceskohera) geavaheapmi lea gildojuvon earret čuoggáin 4 ja 5 máinnašuvvon spiekastagaid.

Áibmofievrruin sáhttá seaivut Áibmojohtaluságadusa ovddeš, Jeageloaiivvi ja Mártnen-Issát roavi seaivunbáikkiide iežas vásttuin. Muđui áibmofievrruid seaivumii galgá leat lohpi (gč. lohku 5.6 Lobivuloš doaibma).

### **3.4. Gohtten, dolastallan ja ávdinstobuid geavaheapmi**

(ásahus stáhta oamastan dihto guovlluide vuodđuduuvvon álbmotmehciin ja luonddumehciin 2 §, gádjunlhka 24 §, LsL 18 §)

Leammi álbmotmeahcis oažžu gohttet oanehis áiggi earret ráddjenavádaga. Gohtten ii oaččo čuohcit álbmotmeahci luonduárvvuide iige headuštit álbmotmeahci eará geavaheami. Leammileagis Njurggoluovtta ja Gollehámmanna gaskkas oažžu gohttet dušše dan várás oaivvilduvvon orustansajiin.

Lustageavahanavádagas oažžu dolastallat dušše dolastallama várás oaivvilduvvon báikkiin. Boaittobealeavádagas oažžu dolastallat maiddái eará sajis go huksejuvvon dolastallanbáikkiin, ii goittotge vuollel kilomehterbeali duohken huksejuvvon dolastallanbáikkis. Dolastallamii oažžu geavahit goike ovssiid, rissiid ja guddožiid.

Sajušdola bidjan lea ollásit gildojuvvon meahcceboullinváruhusa áigge.

Álbmotmeahci beaivestobut leat oaivvilduvvon vuosttažettiin beaiveatnui ja ávdinstobut gaskaboddosaš idjadeami várás. Meahciráđđehus sáhttá dasa lassin addit dárkilet rávvagiid stobuid geavaheamis.

### **3.5. Murjen ja guoppardeapmi**

(ásahus stáhta oamastan dihto guovlluide vuodđuduuvvon álbmotmehciin ja luonddumehciin 2 § ja LsL 18 §)

Murjiid ja borramušguobbariid oažžu čoaggit, jos johtalanráddjehusat eai dan hehtte.

### **3.6. Meahccebivdu ja guolástus**

(ásahus stáhta oamastan dihto guovlluide vuodđuduuvvon álbmotmehciin ja luonddumehciin 3 §, guolástanlhka 5 §, 8 §:a 1 mom.)

Meahccebivdu lea álbmotmeahcis gildojuvvon earáin go báikkálaš ássiin (gč. lohku 4.2. Meahccebivdu)

Guolástit oažžu guolástanlága mielde seaktebivdosiin ja bilkemiin sihke leanalaš vuoggabivdolobiin eará sajis go álbmotmeahci rávdnječáziin (dego jávrečáziin). Meahciráđđehus sáhttá miedihit maiddái eará guolástanlobiid. Báikkálaš ássiid vuogatvuodas guolástit Anára gielddas leahkki álbmotmeahci siste, gč. 4.3. Guolástus.

Álbmotmeahci ráfáidahtinnjuolggadusat eai váikkut dasa, mii Suoma ja Norgga gaskasaš ásahusa vuodđul Deanu guolástanbire oktasaš guolástanjuolggadusas dahkkojuvvon soahpamuša ja dan čuvvosa dihto mearrádusaid fápmui bidjamis (949/1972) lea mearriduvvon dahje mearriduvvo.

## 4. Báikkálaš ja lagasgiliid ássiide guoskevaš sierranjuolggadusat

### 4.1. Mohtorfievrruiguin johtaleapmi

(meahccejohtaluslákha 4 §, meahccejohtalusásahus 13 §)

Anára ja Gihtela gieldalaččaide sáhttá mieđihit lobiid johtalit meahccefievrruiguin dihto ákkaiguin (gč. lohku 5.3. Meahccejohtalus)

Anára ja Gihtela gieldalaččaide sáhttá mieđihit lobiid johtalit mohtorfatnasiin dihto ákkaiguin (gč. lohku 5.4. Čáhcejohtalus). Mohtorfatnasiin ožžot johtalit dušše lagasgiliid ássit.

Boazobargguid oktavuođas oažžu johtalit mohtorfievrruiguin meahccejohtaluslága ja -ásahusa mielde (gč. lohku 5.2. Boazodoallu ja lohku 5.3. Meahccejohtalus)

### 4.2. Meahccebivdu

(meahcástanlákha 8 § ja 9 §, ásahus stáhta oamastan dihto guovlluide vuodđuduvvon álbmotmehciin ja luonddumehciin 3 §)

Anára ja Gihtela gielldain fásta ássi olmmoš oažžu bivdit meahci meahcástanlága mielde álbmotmeahcis iežas gieldda siste. Bivdobeatnagiid oažžu geavahit bivddu oktavuođas meahcástanlága mielde. Meahciráddhehus sáhttá mieđihit lobi ealga- ja guovžabivddu ordnestallamiida ja biergguid viežžamii mohtorfievruuin meahcis. Anára gieldda lagasgiliid ássiide ja Anára gieldda luondduealáhusbargiide sáhttá mieđihit lobi johtalit mohtorgielkkáin rievssaha gárdebivddu oktavuođas.

Meahccebivdui guoskevaš gaskaboddosaš gohtten ja dolastallan lea lobálaš álbmotmeahcis dušše dalle, go geavaha goike ovssiid, rissiid ja guuttožiid avádatjuogu prinsihpaiguin (gč. čuokkis 3.4.). Meahccebivddu oktavuođas sáhttá válđit gaskaboddosaš gohttemii dárbašlaš soames seakka beahceváhčosa lávvomuorran.

Báikkálaš ássiin, geat ožžot bivdit álbmotmeahcis, lea vuogatvuohta válđit gárderissiid.

### 4.3. Guolástus

(guolástanlákha 12 §, guolástanásahus 43 a §)

Anára gieldalaččain lea guolástanlobi mielde vuogatvuohta oažžut gieldalažžii oaivvilduvvon guolástanlobi álbmotmeahccái. Guolástanlobiid mieđiheapmi vuodđuduvvá čáziid bistevaš buvttadeapmái. Anára gieldda lagasgiliid ássiide sáhttá mieđihit lobi johtalit mohtorgielkkáin guolástusa oktavuođas.

Gihtela gieldda beallai mieđihuvvojít lobit guolástanlága mielde.

## 5. Eará njuolggadusat

### 5.1. Eiseváldedoaibma

*(ásahus stáhta oamastan dihto guovlluide vuodđuduuvvon álbmotmehciin ja luonddumehciin 2 §)*

Johtaleapmái, mohtarfievrruid ja áibmofievrruid geavaheapmái sihke gohttemii ja dolastallamii guoskevaš ráddjehusat eai guoskka eiseváldedoaimmaide, mat suvvojuvvojit suodjalannjuolggadusain. Eiseváldedoaimmaid dikšu olbmot galget dárbbu mielde sáhttit čájehit iežaset leat doaibmamin máinnašuvvon doaimmain.

### 5.2. Boazodoallu

*(boazodoalloláhka 3 §, ásahus stáhta oamastan dihto guovlluide vuodđuduuvvon álbmotmehciin ja luonddumehciin 2 §, meahccejohtaluslákha 4 §, meahccejohtalusásahus 13 §)*

Bohccuid guohtun ja dasa guoskevaš boazodoallo bargu lea álbmotmeahcis lobálaš boazodoallolága mielde. Vejolaš ođđa dálvebiebmanbáikkiin galgá almmuhit Meahciráđđehussii ovddalgihtii.

Boazodoalus dárbašlaš gámppáid, boazoáiddiid ja eará rusttegiid oažžu ráhkadir Meahciráđđehusa lobiin.

Mohtarfievrruid oažžu geavahit boazobargguin meahccejohtaluslága ja -ásahusa mielde.

Boazobeatnagiid oažžu geavahit boazobargguin. Boazodoalu várás galgá oažžut nuvttá boaldin- ja goahtemuorran dárbašlaš muoraid. Meahciráđđehus sáhttá vuovdit boazodoalu várás dárbašlaš muora álbmotmeahcis.

### 5.3. Meahccejohtalus

*(meahccejohtaluslákha 4 §, meahccejohtalusásahus 13 §)*

Mohtarfievrruid oažžu geavahit boazobargguin meahccejohtaluslága mielde. Olbmot, geat johtet mohtorgielkkáin boazobargguin, galget dárbbu mielde čájehit ahte sii leat álbmotmeahcis boazobargguin.

Meahciráđđehus sáhttá mieđihit meahccejohtaluslobi álbmotmeahccái čuovvovaš ulbmiliidda:

- Anára gieldda lagasgiliid ássiide ja luondduealáhusbargiide mohtorgielkkáin johtaleapmái álbmotmeahcis Anára gieldda siste rievssaha gárdebivdu oktavuođas;
- Anára gieldda lagasgiliid ássiide mohtorgielkkáin johtaleapmái álbmotmeahcis Anára gieldda siste guolástusa oktavuođas;
- Lismálaččaide boaldinmuora fievrrideami várás mohtorgielkkáin;

- Anára gieldda lagasgiliid ássiide smávva turismadoibmii (ee. biergasiid fievrrideapmi, boazo- ja čuoiganmátkkiid fuolahuš, áššehassáhtosteamit dihto johtolagaid mielde) dálvvi áigge mohtorgielkkáin;
- ovttaskas dáhpáhusaid várás lobiid oahpistuvvon joavkkuid dálvevánddardemiid ja boazovánddardemiid fuolahussii mohtorgielkkáin;
- Anára ja Giittela gieldda ássiide ealga- ja guovžabivddu ordnestallamiidda ja sállaša viežžamii mohtorgielkkáin sihke ovttaháváš lobiid sállaša viežžamii bievlan;
- gollerogganbáikkiid ja ruvkebiriid fuolahussii dálvvi áigge mohtorgielkkáin Meahciráđđehusa lohperávvagiid mielde;
- gollerogganbáikkiid ja ruvkebiriid fuolahussii geasi áigge sierra ákkaiguin Meahciráđđehusa lohperávvagiid mielde;
- guorahallama mielde eará meahccejohtalussii álbmotmeahci doibmii heivvolaš ulbmilii.

#### **5.4. Čáhcejohtalus**

(LsL 18 §)

Álbmotmeahci čáziid alde oažžu johtalit suga dahje mealu almmá sierra lobi haga.

Čáhceskohteriin ii leat lohpi vuodjit álbmotmeahcis.

Mohtorfatnasa ožžot geavahit álbmotmeahci lagasgiliid ássit.

Meahciráđđehus sáhttá mieđihit mohtorfatnasa geavahanlobi álbmotmeahccái čuovvovaš ulbmiliidda:

- báikkálaš (Anára ja Giittela gieldalaččaide) luondduealáhusbargiide
- lagasgiliid turismafitnodatolbmuide (galgá leat soahpamuš Meahciráđđehusain) gávppálaš fanassáhtostemiid várás
- Anára ja Giittela gieldda ássiide lubmemii, guolástussii ja meahccebivdui johkaossodagaide Avviljoga šaldi - Gorsajávri ja Náskanjohka - Avviljohka
- gollerogganbáikkiid ja ruvkebiriid fuolahussii guđege dáhpáhusa mielde
- priváhta giddodahkii johtima várás

#### **5.5. Golledoidin**

(ásahus stáhta oamastan dihto guovlluide vuodđuduuvvon álbmotmehciin ja luonddumehciin 3 §, meahccejohtaluslákka 4 §, ruvkelákka 1 §, 3 § ja 12 §, eanageavahan- ja huksenlákka)

Golledoidin álbmotmeahcis lea lobálaš dušše ruvkelága mieldásaš golledoidinbáikkiin ja ruvkebiriin.

Leammi álbmotmeahcis lea lobálaš eará go mašiinnain dáhpáhuvvi golledoidin. Mašiinnain dáhpáhuvvi golledoidin lea lobálaš dain golledoidinbáikkiin ja

ruvkebiriin, mat ledje fámus, go álbmotmeahccái guoskevaš ásahusa nuppástus (1991) bodii fápmui.

Doidinbáikkiid ja ruvkebiriid fuolahussii sáhttá mieðihit lobiid meahccejohtalussii Meahciráððehusa lohperávvagiid mielde.

Meahciráððehus sáhttá mieðihit ruvkebiriide ja doidinbáikkiide mearreágásaš lobiid golleroggama várás dárbašlaš visttiide. Huksema várás galgá leat gieldda mieðihan huksenlohpi, rogganbáikkiid huksema várás dasa lassin Bargofápmoja ealáhusministeriija lohpi.

## 5.6. Lobivuloš doaibma

Meahciráððehus sáhttá mieðihit lobi álbmotmeahccái čuovvovaš ulbmiliidda:

- ráddjenoasis johtaleapmái (LsL 18 §)
- áibmofievrruin seaivumii (áibmojohtalisláhka 40 §)
- dieðalaš dahje oahpahuslaš ulbmilis dáhpáhuvvi ealliid goddimii ja bivdimii sihke šattuid, dáid osiid sihke minerálačajánasaid smávva váldimii (ásahus stáhta oamastan dihto guovlluide vuodðuduuvvon álbmotmehciin ja luonddumehciin 2 §). Lohpi galgá ohccojuvvot čálalaččat Meahciráððehusas.
- eará guolástussii go seaktebivdimii dahje bilkemii (ásahus stáhta oamastan dihto guovlluide vuodðuduuvvon álbmotmehciin ja luonddumehciin 2 §)
- boazodollui guoskevaš rusttegiid huksemii (ásahus stáhta oamastan dihto guovlluide vuodðuduuvvon álbmotmehciin ja luonddumehciin 2 §)
- golledoidima várás dárbašlaš gámpáid huksemii (gč. lohku 5.5. Golledoidin) (ásahus stáhta oamastan dihto guovlluide vuodðuduuvvon álbmotmehciin ja luonddumehciin 3 §)
- almmolaš dilálašvuoden lálideapmái (čoahkkananláhka 13 §)
- meahccejohtalussii dihto ákkaiguin (gč. lohku 5.3. Meahccejohtalus) (meahccejohtalisláhka 4 §)
- mohtorfatnasiid geavahanlobit dihto ákkaiguin (LsL 18 §) (gč. lohku 5.4. Čáhcejohtalus)

Birasministerija sáhttá mieðihit álbmotmeahccái lobiid geologalaš dutkamii ja málbmaohcamii sihke liiggás laskan dahje muðui vahátlaš šaddo- dahje eallišlája oktagasaid geahpedeapmái.

Guvllolaš birasguovddáš sáhttá mieðihit álbmotmeahccái lobiid luonddusuodjalanylága 48 §:a mielde ee. ráfáidahtton šattu dahje dan oasi čoaggimii sihke ráfáidahtton eallišlája bivdimii dahje gittaváldimii dainna eavttuin, ahte šladja lea ainge vuohkkasit suodjaluvvon.

## **5.7. Turismii guoskevaš fitnodatdoaibma (LsL 18 §)**

Turismii guoskevaš doaimma sáhttá álbmotmeahcis joðihit almmá sierra soahpamuša dahje lobi haga, jos doaibma vuodðuduuvvá álbmotmeahcis suvvojuvvon juohkeolbmovuoigatvuodaide dego lustavázzimii dahje čuoigamii.

Orustansajiid geavaheami várás turismma fitnodatdoaimmas galgá leat Meahciráððehusa lohpi dahje soahpamuš.

Almmolaš dilálašvuoda lágideami várás álbmotmeahcis galgá háhkat Meahciráððehusa lobi (čoahkkananláhka 13 §).

Daiguin Anára gieldalaččaiguin, geat doibmet guovllus turismafitnodatolmmožin, Meahciráððehus sáhttá dahkat soahpamuša dahje sii sáhttet oažžut lobi smávva turismadoibmii guoskevaš meahccejohtalussii dálvvi áigge mohtorgielkkáin (gč. lohku 5.3. Meahccejohtalus).

Oahpistuvvon dálhevánddardemiid ja boazomátkkiid fuolahussii mohtorgielkkáin sáhttá mieðihit ovttaháváš lobiid turismafitnodatolbmuiide. Ovdalgo lohpi mieðihuvvo, de guullojuvvorit guoskevaš guovllu bálgosat.

Lagasgiliid turismafitnodatolbmuiide sáhttá mieðihit mohtorfatnasa geavahanlobiid (gč. lohku 5.4. Čáhcejohtalus).

## **5.8. Eará mearrádusat**

Dán ortnetnjuolggadusa njuolggadusat, maid vuodul dihto doaibmabijut álbmotmeahcis suvvojuvvorit, eai atte geasage viidáset vuogatvuoda go dan mii áššáigullevaš olmos muđui lea.

Luonddusuodjaleami goziheaddji eiseválddis dahje luonddusuodjalanguovllu fávtas lea vuogatvuhta duoguštit meahcástan-, guolástan- dahje eará neavvuid, mat leat geavahuvvon dahje maid lea jurdda geavahit daid njuolggadusaid dahje mearrádusaid vuostá, mat álbmotmeahcis galget čuvvojuvvot. Seamma duoguštanvuogatvuhta guoská maiddái álbmotmeahcis lobiheamet bivdojuvvon ealliide ja lobiheamet čoggjuvvon šattuide sihke buot dasa, mii álbmotmeahcis lea gildojuvvon váldimis dahje doppe geavaheamis (LsL 60 §).

## Nuppástusohcan

Mearrádussii oažžu ohcat nuppástusa váidimiin Roavvenjárgga hálldahusriktái 30 beaivvi sisa mearrádusa diehtunoažžumis. Dárkilet rávvagat nuppástusohcamis gávdnojit váidinčujuheamis, mii lea mearrádusa čuovusin.

## Mearrádusa diehtunaddin

Dát mearrádus addojuvvo diehtun oktasašdiehtunaddimin. Mearrádus dollojuvvo oaidninlhkai 13.5.2009 rádjai Meahciráđđehusa guovddášovttadagas, Vernissakatu 4, 01300 Vantaa, Meahciráđđehusa Avvila doaibmabáikkis, Ivalontie 10, 99800 Avvil, Davvi-Sámi luondduguovddážis Siiddas, Anára ja Gihttela gielldaid almmuhusdávvaliin ja Meahciráđđehusa interneahttiidduin čujuhusas:

[www.metsa.fi/Retkeily&erämatkailu/Luvat ja päätökset/Uusimmat järjestyssäännöt](http://www.metsa.fi/Retkeily&erämatkailu/Luvat ja päätökset/Uusimmat_järjestyssäännöt). Áššegirji oaidninlhkai bidjamis almmuhuvvo Virggálaš bláđis 6.4.2009 sihke aviisa Lapin Kansas ja vahkkobláđis Inarilainen.

Luonddubálvalushoavda

Rauno Väisänen

Allagohcci

Esko Korsulainen

## Čuvvosat


1. Leammi álbmotmeahci avádatkárta
2. Leammi álbmotmeahci lagasgilleráddjenkárta
3. Váidinčujuheapmi

Čuovus 1. Leammi álbmotmeahci avádatkárta

Čuovus 2. Leammi álbmotmeahci lagasgilleráddjenkárta

Čuovus 3. Váidinčujuheapmi

Čuovus 1. Leammi álbmotmeahci avádatkárta



Čuovus 2. Leammi álbmotmeahci lagasgilleráddjenkárta

